


Theologia.

Theol. 4004.

Baltasarovius Jacobi: Quaestio theologiae de gra-
tia Dei — pro gradu doctoratus in S. Theo.
logia.



In Nomine Domini, Amen.

QVÆSTIO

THEOLOGICA,

DE

59936^{ty}

GRATIA DEI,

Ex 1^{ma}, 2^{dæ}, D. THOMÆ,

SECUNDA,

PRIORIS CONTERMINA:

^A
M. JACOBO BALTAZAROWIC,

inter Collegas Maiores, Seniore Patre,

SACRÆ THEOLOGIÆ, LICENTIATO,

Ecclesiarum, Cathedralis Cracouië: CANONICO,

Collegiæ SS. Omnium PRÆPOSITO,

Curato Profouien: Contubernii Staringeliani Prouifore,

Studii Vniuersitatis Cracouiensis,

GENERALI RECTORE:

PRO

GRADU DOCTORATÛS,

IN SACRA THEOLOGIA,

obtinendo,

Publicè ad Disputandum,

PROPOSITA.

In Lectorio D. Jagellonis Theologico.

Anno à Natiuitate Dñi, 1684. Mense Januarij. Die 13. Horâ 20.

CRACOVIÆ, TYPIS VNIVERSITATIS.



QVÆSTIO THEOLOGICA.
DE GRATIA DEI.

Vtrum homo, in statu naturæ lapsæ, possit, sine gratiæ DEI auxilio, opus aliquod, quod sit, omni ex parte, moraliter bonum, velle, & facere: DEUM, super omnia, efficaciter diligere: totamq; legem naturalem seruare, nec ne?

CONCLUSIO I.

Homo, in statu naturæ lapsæ, non potest, sine auxilio Gratiæ DEI, actualis, opus aliquod, ex omni parte moraliter bonum, tam ratione obiecti, quam finis, & circumstantiarum, velle, & facere.

COROLLARIA.

- I. Homo in statu natura lapsæ, sine auxilio speciali supernaturali, & in finem supernaturalem ordinato, suis viribus, cum solo concursu generali Dei, potest velle, & efficere opus aliquod, moraliter bonum: quod tamen, ad æterna vita meritum, nihil conferat.*
- II. Homo, in statu naturæ lapsæ, sine ullo speciali auxilio, pertinente etiam ad ordinem naturæ, & ordinato solum ad finem naturalem, potest efficere opus moraliter bonum, cum solo concursu generali Dei.*
- III. Absurdum est, dicere: hominẽ, in statu peccati mortalis, existentẽ, non posse, aliquos actus moraliter bonos exercere.*
- IV. Nefas præterea est, asserere: hominem, in luto, eiusdem peccati mortalis, hæsitantem, non posse aliquod opus, moraliter bonum, facere, sine charitate. hoc est, si non referatur in Deum, propter se, dilectum.*
- V. Falsum insuper, & piaculum est, docere: gratiam fidei, seu, fidem supernaturalem, ita necessariam esse, ad bene operandum, ut sine illa, nihil boni fiat: omniaq; infidelium opera, sint peccata: & omnes eorũ virtutes, esse vitia.*

CONCLUSIO II.

HOMO, in statu naturæ lapsæ, non potest DEUM diligere, super omnia, efficaciter, etiam ut est author, & finis naturæ, sine speciali auxilio gratiæ.

COROLLARIA.

- I. *In hoc tamen statu, naturæ lapsæ, potest homo, viribus naturæ, aliquem actum, dilectionis Dei, imperfectum elicere, tanquam erga authorem naturæ.*
- II. *Homo, etiam in pura natura constitutus, non posset, cum solo concursu generali, Deum, ut authorem naturæ efficaci amore, super omnia diligere, etiam pro brevissimo tempore.*
- III. *Non indigeret tamen, ad talem amorem eliciendum, idem homo, auxilio supernaturali: sed tantum auxilio ordinis naturalis; speciali.*
- IV. *Homo, in statu naturæ corruptæ, etiamsi solum habeat peccatum originale, vel licet habeat aliud personale mortale, & ignoret inuincibiliter, se esse in peccato mortali, non posset, sine auxilio gratiæ, habere dilectionem Dei super omnia.*
- V. *Etiam homo iustus, & gratia sanctificante præditus, indiget auxilio supernaturali, ad eliciendam Dei, ut authoris naturæ, super omnia, dilectionem.*

CONCLUSIO III.

HOMO, in statu naturæ lapsæ, non potest, totam legem naturæ, quoad substantiam operum, sine auxilio gratiæ obseruare.

COROLLARIA.

- I. *In statu, naturæ corruptæ, non potest homo, etiam ad brevissimum tempus, seruare, omnia præcepta legis naturalis, positivè, seu voluntariè, aut humano modo, sine auxilio gratiæ.*
- II. *Ad obseruationem omnium præceptorum naturalium, in eodem statu naturæ corruptæ, necessaria est homini gratia habitualis, non tantum consequenter, & ex parte termini; verum etiam antecedenter, & ex parte principii.*

III. Homini, in statu natura lapsæ, ad totius legis natura
observantiam, ultra gratiam habitualem, necessaria est
gratia specialis, auxilians.

IV. Auxilium hoc speciale, quo homo, in statu natura la-
pse, eget, ultra gratiam habitualem, ad observationem
totius legis naturalis, ex natura rei, est auxilium ordinis
naturalis: supposita tamen hominis, ad statum s^uperna-
turalem, elevatione, de facto, & re ipsa, est supernaturale.

V. Homo tamen, in statu natura integræ, potuisset adimple-
re, totam legem naturalem, quoad substantiam operam,
sine ullo auxilio gratia, & cum solo concursu generali.



Solâ Voluntate, miser quisq; efficitur: sed miserior, cum
desiderium, malæ voluntatis, impletur. *D. Aug. de ver-
bis Apostolorum, Petri, & Pauli.*

Quidquid vis, & non potes: factum DEVS computat.

Idem supra Psal. 57.

Vnusquisque, pro operibus suis, mercedem accipiet:
nec possunt, in die iudicii, aliorum virtutes, aliorum vitia
subleuare. *D. Hieronim.*

Illi DEVM diligunt, qui non aliud, quàm vnde nomen
eius glorificent, exercent. *D. Aug. de vita Christiana.*

Quisquis præceptis non obtemperat, reus est, & debi-
tor pœnæ. *Idem Sermone de monte.*

Sit, nomen Domini, benedictum, in sæcula.

Sine quo nihil.



P. ngdo' Anõ pbaem
xx. 1. 3.

Decorative border consisting of a repeating pattern of stylized floral or geometric motifs, likely a woodcut or printed design, running vertically along the left edge of the page.

no. 46a m. 9

